



ՀԱՅԿԱԶԵԱՆ ԼՈՒՍԱՒՈՐՉԱԿԱՆ ԳԱՀ

Ս. Էջմիածնայ Վեհաքանի Ծաղկեայ Դահլիճ

412—1912 Հ Ա Մ Ա Ձ Գ Ա Յ Ի Ն Ք Ա Ղ Ա Ք Ա Կ Ր Թ Ա Կ Ա Ն Մ Ե Ծ Յ Օ Բ Ե Լ Ե Ա Ն 1512—1

Նորին Վեհափառութեան Տ. Տ. ԴԵՈՐԻ Ե.

Սրբազնագոյն Կաթողիկոսի Ամենայն Հայոց Բարձր. հովանաւորութեամբ և թոյլտուութեամբ

Ծ Ր Ա Գ Ի Ր

Տառերի գիւտի 1500-ամեակի և հայ Տպագրութեան 400-ամեակի ՏՕՆԱԿԱՏԱՐՈՒԹԵԱՆ

Ս. Էջմիածնի յօրեխանական Յանձնաժողովի կազմած:

1) Համարել մի ամբողջ տարի, այն է՝ 1912 թ. հոկտեմբերի 13-ից մինչև 1913 թ. հոկտ. 13-ը, յօրեխանական տարի, ի յիշատակ հայ գրերի գիւտի 1500-ամեակի և հայ տպագրութեան 400-ամեակի:

2. Յօրեխանի բացումը կատարել հանդիսաւորապէս ներկայ հոկտ. 13-ին, շաբաթ, ս. Թարգմանչաց տօնի օրը:

3. Յօրեխանի հանդիսաւոր փակումը կատարել 1913 թ. հոկտ. 12-ին դարձեալ ս. Թարգմանչաց տօնի օրը, հրաւիրելով հանդէսին բոլոր նշանաւոր հայագէտներին, բանասէրներին, առանց դաւանութեան խտրութեան, ինչպէս և օտարազգի նշանաւոր հայագէտներին, նաև ազգային բոլոր կրթական, լուսաւորական, բարեգործական, գիտնական ու կուլտուրական հաստատութիւնների ներկայացուցիչներին:

4. Ամբողջ տարւայ ընթացքում կատարել հանգանակութիւն յօգուտ դպրոցական ֆօնդի, ըստ առանձին հրահանգի: Հանգակութեան թոյլտուութիւնը Փոխարքայից արդէն ստացւած է:

5. Ամբողջ տարւայ ընթացքում յարաբերութեան մէջ մտնել բոլոր հաստատութիւնների հետ,

որպէս զի, 1913 թ. հոկտ, 13-ի հանդէսը լինի արդարև համաժողովրդական և համազգային:

Այս որոշումը հաստատեց Ամենայն Հայոց Կաթողիկոսը:

Էջմիածնից դուրս լինելիք տօնակատարութիւնը և էջմիածնում կատարելիք հանդէսները.

ա) Էջմիածնից դուրս տօնելու է այսպէս.

1) Հոկտեմբերի 13 ին, շաբաթ, ս. Թարգմանչաց տօնի օրը՝ հանդիսաւոր պատարագ մատուցանել և քարոզի մէջ բացատրել երկու մեծ տօների պատմական նշանակութիւնը, դրւատելով ս. ՄԵՍՐՈՊԻ, ս. ՍԱՀԱԿԻ, ս. ԹԱՐԳՄԱՆՉԱՅ և ՏՊԱԳՐՈՒԹԵԱՆ ԱՐԻԵՍՏԻ ԳԼԽԱԻՈՐ ՎԱՍՏԱԿԱԻՈՐՆԵՐԻ յիշատակը:

Պատարագից յետոյ հոգեհանգիստ հայ գրականութեան և տպագրութեան վաստակաւորների համար:

Պատարագին և հոգեհանգստեան ներկայ են լինելու եկեղեցական, դպրոցական և ազգային հաստատութիւնների ներկայացուցիչներն ու վարչութիւններն ամբողջ կազմով աշակերտութեան հետ:

2) Հոկտեմբերի 14-ին, կիրակի, հանդիսաւոր պատարագ և

պապ Հայրապետական մաղթանք նոյն կազմով:

Պատարագից յետոյ, ցերեկը կամ երեկոյեան՝ տեղական յարմարութեան համաձայն՝ կատարուում է դպրոցական հանդէս եկեղեցական, կրթական և այլ ազգային հաստատութիւնների պաշտօնատար անձանց ներկայութեամբ: Հանդէսը բացուում է «Հայր մերով» և «Նմանեալ Մովսիսի» Թարգմանչաց շարականով: Լինում են պատշաճ բանախօսութիւններ տօնի նշանակութիւնը բացատրող, մէջ ընդ մէջ ոտանաւորներով, երգերով և նւագածութեամբ՝ ուր հնարաւոր է:

Հանդիսի սկզբում կամ վերջում աշակերտութեան ձրիապէս բաժանուում են Մայր Աթոռի այդ առիթով հրատարակած հանրամատչելի գրքոյկները: Դպրոցական վարչութիւնները կարող են իրենց կողմից ևս յարմար նւէրներ, գրքեր, պատկերներ տալ սաներին:

Ժամով.—Շատ եկեղեցիներ ունեցող կենդրոններում եկեղեցական հանդէսները կարող են կատարել մի կամ մի քանի եկեղեցիներում հոգևոր վարչութեան կարգադրութեամբ:

Գ Գ

բ) Էջմիածնում տօնելու հետեւեալ ձևով.

Ուրբաթ, հոկտեմբերի 12-երեկոյեան Նորին Վեհափառութիւնը հանդիսաւոր թափօր իջնում է Մայր Տաճար, ուր տեղի կունենայ նախատօնակ Թարգմանչաց յիշատակին:

Շաբաթ (ս. Թարգմանչաց տօնի)՝ հոկտեմբերի 13) հանդիսաւոր գնացք Նորին Վեհափառութեան յօշական՝ ուղեկցութեամբ ամբողջ միաբանութեան և պատգամաւորութիւնների:

Պատարագ ս. Մեսրոպի գերեզմանի վրայ:

Հայրապետական մաղթանք: Պատարագից յետոյ պատգամաւորների բանախօսութիւններ, հեռագիրներ և ուղերձների ընթերցում ս. Մեսրոպ եկեղեցու բակում:

Կիրակի, հոկտեմբերի 14-ին, Մայր Տաճարի Իջման սեղանի վրայ հանդիսաւոր պատարագ, պապ հոգեհանգիստ գրի և տպագրութեան վաստակաւորների յիշատակին:

Նոյն օրը պատարագից յետոյ կը լինի ցերեկոյթ երաժշտութեամբ և երգեցողութեամբ:

Շաբաթ և կիրակի երեկոյեան հրավառութիւն և երաժշտութիւն Իջման Տաճարի և ճեմարանի բակում: